



ს ა ქ ა რ თ ვ ე ლ ო
თერჯოლის მუნიციპალიტეტის საკრებულო
GEORGIA
MUNICIPALITY COUNCIL OF TERJOLA



განკარგულება:გ-29. 2925220001

თარიღი:08/08/2025

**მუნიციპალიტეტის წარმომადგენლობითი ორგანოს - საკრებულოს და
თვითმმართველი ქალაქის/თვითმმართველი თემის მერის 2025 წლის 4
ოქტომბრის არჩევნებთან დაკავშირებით მუნიციპალიტეტის მიერ
გასატარებელ ღონისძიებათა განსაზღვრის შესახებ**

საქართველოს პრეზიდენტის 2025 წლის 5 აგვისტოს N 05/08/01 განკარგულებით მუნიციპალიტეტის წარმომადგენლობითი ორგანოს - საკრებულოს და თვითმმართველი ქალაქის/თვითმმართველი თემის მერის მორიგი არჩევნები დაინიშნა 2025 წლის 4 ოქტომბერს. შესაბამისად, ადგილობრივი თვითმმართველობის ორგანოებს საქართველოს ორგანული კანონის „საქართველოს საარჩევნო კოდექსის“ თანახმად, ევალებათ არჩევნების დაინიშნიდან არაუგვიანეს 5 დღის ვადაში გამოყონ და გამოაქვეყნონ იმ ადგილებისა და სტენდების ჩამონათვალი, სადაც საარჩევნო სუბიექტებს შეეძლებათ საარჩევნო პლაკატების გაკვრა და გამოფენა, აგრეთვე იმ შენობა-ნაგებობების ნუსხის განსაზღვრა, სადაც საარჩევნო სუბიექტებისათვის შესაძლებელია საარჩევნო ღონისძიებების გამართვა.

ზემოაღნიშნულიდან გამომდინარე საქართველოს ორგანული კანონის „საქართველოს საარჩევნო კოდექსი“-ს 45-ე მუხლის მე-8, მე-9 ნაწილების და 46-ე მუხლის; საქართველოს კანონის „ადგილობრივი თვითმმართველობის კოდექსის“ 122-ე მუხლის მე-6 ნაწილის შესაბამისად, თერჯოლის მუნიციპალიტეტის საკრებულომ **გადაწყვიტა:**

მუხლი 1.

1. მუნიციპალიტეტის წარმომადგენლობითი ორგანოს - საკრებულოს და თვითმმართველი ქალაქის/თვითმმართველი თემის მერის 2025 წლის 4 ოქტომბრის არჩევნებისათვის საარჩევნო ღონისძიებების გასამართად გამოიყოს:

ა) ა(ა)იპ _ თერჯოლის კულტურის სახლთან არსებული დარბაზი (მისამართი: ქ. თერჯოლა, ან. ჭანტურიძის ქუჩა ქ. №7);

ბ) ა(ა)იპ მოსწავლე-ახალგაზრდობის სოციალური დაცვის, მოქალაქეობრივი და ესთეტიკური აღზრდის მუნიციპალურ ცენტრთან არსებული დარბაზი (მისამართი: ქ. თერჯოლა, მერაბ კოსტავას ქუჩა ქ. №4).

2. თერჯოლის მუნიციპალიტეტის ტერიტორიაზე საარჩევნო პლაკატებისა და ბანერების გასაკრავად და გამოსაფენად გამოიყოს შემდეგი ადგილები:

ა) ქ. თერჯოლისა და თერჯოლის მუნიციპალიტეტში შემავალი სოფლების ტერიტორიაზე არსებული მგზავრთა მოსაცდელეები;

ბ) მუნიციპალიტეტის ბალანსზე რიცხული გარე განათების ბოძები;

გ) რუსთაველის ქუჩაზე შუქნიშნიდან ავტოსადგურის მიმართულებით (მარცხენა მხარეს) არსებული კედელი.

3. ბეჭდვითი სააგიტაციო მასალები შეიძლება გამოიფინოს სხვა შენობა-ნაგებობებსა და ობიექტებზე მათი მესაკუთრეების ან მფლობელების თანხმობის შემთხვევაში.

მუხლი 2. აიკრძალოს საარჩევნო პლაკატებისა და ბანერების გაკვრა თერჯოლის მუნიციპალიტეტის ტერიტორიაზე არსებულ:

ა) საკულტო ნაგებობებზე;

ბ) სახელმწიფო ხელისუფლებისა და ადგილობრივი თვითმმართველობის ორგანოების, სასამართლოს, პროკურატურის, სამხედრო შენაერთებისა და პოლიციის შენობების, საქართველოს სახელმწიფო უსაფრთხოების სამსახურის და სახელმწიფო დაცვის სპეციალური სამსახურის დანაყოფების შენობების, საჯარო სკოლების შენობების ინტერიერსა და ექსტერიერში;

გ) მუნიციპალიტეტის მიერ დაფუძნებული კერძო სამართლის იურიდიული პირების (ა(ა)იპ), რომლებიც ეწევიან სააღმზრდელო და საგანმანათლებლო საქმიანობას, ადმინისტრაციული შენობების კედლებზე;

დ) იმ დაწესებულებების ადმინისტრაციული შენობების კედლებზე, რომლებიც გამოიყენება და დროებით სარგებლობაში გადაეცემათ თერჯოლის №49 საოლქო საარჩევნო კომისიას - შემდგომში საარჩევნო უბნების განთავსებისათვის.

ე) საგზაო ნიშნებზე.

მუხლი 3. დაევალოს თერჯოლის მუნიციპალიტეტის მერს უზრუნველყოს, თერჯოლის №49 საოლქო საარჩევნო კომისიას უსასყიდლოდ, დროებით სარგებლობაში აუქციონის გარეშე გადასცეს მუნიციპალიტეტის ბალანსზე რიცხული შენობა-ნაგებობები და მათში განთავსებული ინვენტარი - შემდგომში საარჩევნო უბნების განთავსებისა და ფუნქციონირების მიზნით. ამავდროულად მერია ვალდებულია დაფაროს გადაცემული შენობა-ნაგებობ(ებ)ის კომუნალური ხარჯები.

მუხლი 4. განკარგულება გადაეგზავნოს თერჯოლის №49 საოლქო საარჩევნო კომისიას სახელმძღვანელოდ და ცესკოს - ვებ გვერდზე გამოქვეყნებისათვის და თერჯოლის მუნიციპალიტეტის მერიას.

მუხლი 5. მუნიციპალიტეტის საკრებულოს აპარატმა უზრუნველყოს ამ განკარგულების გამოქვეყნება ვებ-გვერდზე და ადგილობრივ პრესაში.

მუხლი 6. განკარგულება შეიძლება გასაჩივრდეს დაინტერესებული მხარის მიერ მისი გაცნობის დღიდან ერთი თვის ვადაში ზესტაფონის რაიონულ სასამართლოში (მისამართი: ქ. ზესტაფონი, წერეთლის ქ. №7).

მუხლი 7. განკარგულება ძალაში შევიდეს ხელმოწერისთანავე.

გიორგი ბარათაშვილი

თერჯოლის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

